



Broj: 07-11-638/21
Vogošća, 19.05.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 19.05.2021. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU I POSTAVLJANJE POSEBNIH
OBJEKATA NA CESTI ZA SMIRIVANJE SAOBRAĆAJA I SAOBRAĆAJNE SIGNALIZACIJE I
OPREME NA PODRUČJU OPĆINE VOGOŠĆA

Član 1.

Ponuda ponuđača "Buljan ceste" d.o.o Kreševo, Troska b.b. Kreševo, odabrana je za izvođenje radova na nabavci i postavljanju posebnih objekata na cesti za smirivanje saobraćaja i saobraćajne signalizacije i opreme na području općine Vogošća, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 100.000,00 KM bez uračunatog PDV-a, odnosno 117.000,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 20.04.2021. godine donio Odluku o pokretanju Otvorenog postupka nabavke i postavljanja posebnih objekata na cesti za smirivanje saobraćaja i saobraćajne signalizacije i opreme na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.04.2021. godine pod brojem: 1353-1-3-51-3-52/21.

Sažetak Obavještenja o nabavci objavljen je u "Službenom glasniku BiH" broj: 25/21 od 23.04.2021. godine.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za dostavu ponuda bio je 07.05.2021. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.05.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-638/21 iz aprila 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Buljan ceste" d.o.o. Kreševo	100.000,00	/	/	117.000,00
2	"Sacom" d.o.o. Sarajevo	127.581,50	/	/	149.270,36

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Sacom" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 51. Zakona zahtjevane su obrazovne i profesionalne kvalifikacije lica koja su angažovana na izvođenju konkretnih radova i to da ponuđači između ostalog ima na raspolaganju 1 (jedno) lice VSS VII stepen-dipl. ing. saobraćaja, odnosno visoko obrazovanje najmanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja-saobraćajne struke, sa položenim stručnim ispitom i 3 (tri) godine radnog iskustva ili inženjer saobraćaja (VI stepen), odnosno visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova), sa položenim stručnim ispitom i 5 (pet) godina radnog iskustva.

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze i to između ostalog i Diplomu o završenoj VSS i Uvjerenje o položenom stručnom ispitu za jednog dipl. ing. saobraćaja (VII stepen) i dokaz o radnom iskustvu i radnom angažmanu, odnosno Diplomu i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja saobraćajne struke i dokaz o radnom iskustvu i radnom angažmanu ili Diplomu o završenoj VSS i Uvjerenje o položenom stručnom ispitu za inženjera saobraćaja (VI stepen), odnosno Diplomu i Uvjerenje o položenom stručnom ispitu za visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova) i dokaz o radnom iskustvu i radnom angažmanu.

Ponuđač "Sacom" d.o.o. Sarajevo je u svojoj Ponudi (strana 24.-28. Ponude) kao dokaz za traženo dostavio ovjerenu kopiju Diplome broj: 4464 od 17.12.2002. godine za Pajkanović Cvijetina-diplomiranog inženjera saobraćaja kao i ovjerenu kopiju Uvjerenja o položenom stručnom ispitu za Pajkanović Cvijetina-diplomiranog inženjera saobraćaja.

Obzirom da je TD kao jedan od uslova bio postavljen i taj da dipl. ing. saobraćaja ili njegov ekvivalent po Bolonjskom sistemu studiranja ima i 5 godina radnog iskustva, Komisija za javne nabavke je konstatovala da ponuđač "Sacom" d.o.o. Sarajevo nije dostavio dokaz iz kojeg bi se moglo nedvosmisleno vidjeti i utvrditi traženo radno iskustvo za Pajkanović Cvijetina.

Naime, kao datum početka osiguranja za radnika pod rednim brojem 37. Pajkanović Cvijetina, na dostavljenom dokumentu-Listi osiguranih lica za obveznika broj: 13-517-12-5-436-1/21 od 16.02.2021. godine u Ponudi ponuđača (strana 39. Ponude), prikazan je 04.03.2020. godine, te isti na osnovu iznesenog ne ispunjava jasno postavljene zahtjeve koji je ugovorni organ postavio u TD od 5 (pet) godina radnog iskustva.

- Tačkom 7.4.1. pod b) TD, a u skladu sa članom 51. Zakona zahtjevane su obrazovne i profesionalne kvalifikacije lica koja su angažovana na izvođenju konkretnih radova i to da ponuđači između ostalog ima na raspolaganju 1 (jedno) lice koje ispunjava uslove za obavljanje poslova pregradnika (poslovođe) građevinske struke, minimum IV stepen stručne spreme i 3 (tri) godine radnog iskustva u struci.

Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze i to između ostalog za 1 (jedno) lice koje ispunjava uslove za obavljanje poslova pregradnika (poslovođe) građevinske struke, minimum IV stepen stručne spreme potrebno je dostaviti Diplomu/Svjedočanstvo o završenoj traženoj stručnoj spremi i dokaz o radnom iskustvu i radnom angažmanu.

Ponuđač "Sacom" d.o.o. Sarajevo je u svojoj Ponudi (strana 29.-30. Ponude) kao dokaz za traženo dostavio ovjerenu kopiju Diplome broj: 1552-07/2011 od 10.06.2011. godine za Kadić Emira-građevinskog tehničara.

Obzirom da je TD kao jedan od uslova bio postavljen i taj da lice koje ispunjava uslove za obavljanje poslova pregradnika (poslovođe) građevinske struke ima i 3 godine radnog iskustva u struci, Komisija za javne nabavke je konstatovala da ponuđač "Sacom" d.o.o. Sarajevo nije dostavio dokaz iz kojeg bi se moglo nedvosmisleno vidjeti i utvrditi traženo radno iskustvo za Kadić Emira.

Naime, kao datum početka osiguranja za radnika pod rednim brojem 25. Kadić Emira, na dostavljenom dokumentu-Listi osiguranih lica za obveznika broj: 13-517-12-5-436-1/21 od 16.02.2021. godine u Ponudi ponuđača (strana 39. Ponude), prikazan je 11.12.2018. godine, te isti na osnovu iznesenog ne ispunjava jasno postavljeni zahtjev koji je ugovorni organ postavio u TD od 3 (tri) godine radnog iskustva u struci.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Buljan ceste" d.o.o. Kreševo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Buljan ceste" d.o.o. Kreševo, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Buljan ceste" d.o.o. Kreševo, za izvođenje radova na nabavci i postavljanju posebnih objekata na cesti za smirivanje saobraćaja i saobraćajne signalizacije i opreme na području općine Vogošća, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 100.000,00 KM bez uračunatog PDV-a, odnosno 117.000,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Buljan ceste" d.o.o. Kreševo
2. "Sacom" d.o.o Sarajevo
3. Nadležnoj Službi
4. U dosije
5. a/a

030/800-042

033/255-876



OPĆINSKI NACELNIK

Edin Smajić